

Allannguutissatut siunnersuut

uunga

Arnat angutillu naligiissitaanissaat pillugu Inatsisartut inatsisissaattut siunnersuut

Aappassaaneerinnermut Naalakkersuisunit saqqummiunneqartoq.

§ 2-imut

1. § 2-mi, *imm.* 2 peerneqarpoq.

§ 3-mut

2. § 3, *imm.* 2 ima oqaasertaqassaaq:

"*Imm.* 2. Namminersortut suliffeqarfutaat qulit sinnerlugit sulisoqartut sulisut suaassutsimikkut agguataarsimanagerat kiisalu ukiumi pineqartumi naligiissitaaneq siuarsarniarlugu sulisoqarnikkut ingerlatsinermi iliuutsit Naligiissitaanermut Naalakkersuisumut ukiut tamaasa nalunaarutigisassavaat. Nalunaarut 1. marts nallertinnagu tunniunneqartassaaq siullermik ukioq 2004-mut."

3. § 3, *imm.* 2-p kingorna *imm.* 3-tut ilanngunneqassaaq:

"*Imm.* 3. Naligiissitaanermut Naalakkersuisoq *imm.* 2 naapertorlugu nalunaaruteqartarnek pillugu erseqqinnerusunik malittarisassiorsinnaavoq."

§ 4-mut

4. § 4, *imm.* 2 ima oqaasertaqassaaq:

"*Imm.* 2. Pisortat ingerlatsivii aamma suliffeqarfii qulit sinnerlugit sulisoqartut sulisut suaassutsimikkut agguataarsimanagerat kiisalu ukiumi pineqartumi naligiissitaaneq siuarsarniarlugu sulisoqarnikkut ingerlatsinermi iliuutsit Naligiissitaanermut Naalakkersuisumut ukiut tamaasa nalunaarutigisassavaat. Nalunaarut 1. marts nallertinnagu tunniunneqartassaaq siullermik ukioq 2004-mut."

5. § 4, *imm.* 2-p kingorna *imm.* 3-tut ilanngunneqassaaq:
"Imm. 3. Naligiissitaanermut Naalakkersuisoq *imm.* 2 naapertorlugu nalunaaruteqartarneq pillugu erseqqinnerusunik malittarisassiorsinnaavoq."

§ 7-imut

6. § 7, *imm.* 3 ima oqaasertaqassaaq:
"Imm. 3. Oqartussaasut siulersuisullu il.il. *imm.* 1 naapertorlugu ilaasortassanik inassuteqan-ngippata, oqartussat siulersuisulluunniit pineqartut inassuteqaataat Naalakkersuisut naatsorsuutiginnitsoorsinnaavaat. Tamanna aamma atuuppoq *imm.* 1-imi aalajangersakkap sanioqqunnissaanut *imm.* 2 naapertorlugu tungavilersuutaasoq Naalakkersuisut akuerisinnaanngippassuk."

§ 19-imut

7. § 19 ima oqaasertaqassaaq:
" § 19. Inuit § 2-p imaluunniit §§ 9-12-ip unioqqutinneqarnerisigut pisinnaatitaaffimmikkut innarliivigineqartut taarsiivigineqarsinnaapput."

§ 25-mut

8. § 25, *imm.* 2 ima oqaasertaqassaaq:
"Imm. 2. Inatsisit aalajangersakkallu tulliuttut atorunnaarsinneqarput:
1) Arnat angutillu assigiimmik akissaateqartinneqarnerat pillugu inatsit nr. 32, 4. februar 1976-imeersoq.
2) Sulinermi erninermullu atatillugu sulinngiffeqarnermi il.il. angutit arnallu assigiimmik pineqarnissaat pillugu inatsit nr. 244, 19. april 1989-imeersoq.
3) Naartunermi, erninermi meeravissiartaarnermilu sulinngiffeqartarneq il.il. ullormusiaqartarnerlu pillugit Inatsisartut peqqussutaanni nr. 12-imi, 31. oktober 1996-imeersumi § 4."

Allannguutissat siunnersuummut nassuiaatit

Siunnersuutigineqaqqaartumi pissusissamisuunngitsut ataasiakkaat iluarsineqarnissaat pisariaqartinneqarmat allannguutissat siunnersuut saqqummiunneqarpoq.

Aalajangersakkanut ataasiakkaanut nassuiaatit

Nr. 1-imut

Siunnersuutigineqaqqaartumi § 2, imm. 2-p peerneqarnissaa siunnersuutigineqarpoq, aalaja-ngersakkakut isumagineqartussatut eqqarsaataasoq ingerlatsinermi inatsisitigut atuuttutigut malittarisassaqtinneqareermat, malittarisassanullu taakkununga sanilliullugu aalajangersakkap oqaasertaata paasineqarnissaa nalornissutaalersinnaammat.

Nr. 2-mut

Allannguutissatut siunnersuummi erseqqissarneqarpoq ukioq nalunaarusiorfiusoq pillugu *aappaagukkut* nalunaarut ukiumoortoq martsip aallaqqaataa nallertinnagu tunniunneqartassasoq. Taamaasilluni 2004-mut nalunaarut kingusinnerpaamik 1. marts 2005-imi tunniunneqassaaq.

Nr. 3-mut

§ 3, imm. 2 naapertorlugu namminersortut suliffeqarfiutaasa nalunaarusiortarnissaat pillugu malittarisassanik erseqqinnerusunik aalajangersaanissaminut Naligiissitaanissamut Naalakkersuisoq piginnaatinneqarpoq.

Nr. 4-mut

Allannguutissatut siunnersuummi erseqqissarneqarpoq ukioq nalunaarusiorfiusoq pillugu *aappaagukkut* nalunaarut ukiumoortoq martsip aallaqqaataa nallertinnagu tuniunneqartassasoq. Taamaalilluni 2004-mut nalunaarut kingusinnerpaamik 1. marts 2005-imi tunniunneqassaaq.

Nr. 5-imut

§ 4, imm. 2 naapertorlugu pisortat ingerlatsiviisa aamma suliffeqarfiisa nalunaarusiortarnissaat pillugu malittarisassanik erseqqinnerusunik aalajangersaanissaminut Naligiissitaanissamut Naalakkersuisoq piginnaatinneqarpoq.

Nr. 6-imut

Aalajangersakkap kingunerissavaa pisortat ataatsimiititaliaannut, kommissioninut, siulersuisunut, sinniisoqarfinnut assigisaannullu ilaasortassanik Naalakkersuisut toqqaassagaangamik oqartussat, siulersuisut imaluunniit kattuffiit il.il. inassuteqaataannik sanioqqutsisinnaalernerat, oqartussat, siulersuisut imaluunniit kattuffiit il.il. pineqartut arnanik angunitillu sapinngisamik inassuteqartussaannermut piomasagaammik eqquutsisisimangippata.

(Siunnersuutigineqaqqaartut) ilaasortassanik toqqaaffigineqartussat oqartussaasut, siulersuisut imaluunniit kattuffiit il.il. sinniisoqartinnagit Naalakkersuisunit ingerlatinneqarsinnaanngillat.

Tamatumunnga pissutaavoq siunnersuummi § 6-imut ilaasut suliniaqatigiiffiit arlaqartut inatsisit naapertorlugit pilersitaanerat inatsisinilu aalajangersakkatigut suliniaqatigiiffimmi pineqartuni soqutigisaqatigiinnut imaluunniit inunnet immikkut siunertaqarlutik sinniisuutitaasunut aalajangersimasunut qularnaarinnittunik.

Inassutigineqartunit Naalakkersuisut toqqaassagunik suliniaqatigiiffiup pineqartup katitigaaneranut tunngaviusut eqqarsaatigalugit piomasagaatit aallaavigalugit atuuffissaq pineqartoq Naalakkersuisunit inuttalernerqassaaq.

Atuakkiortut peqatigiiffiat assersuutigalugu kulturi pillugu siunnersuisoqatigiinnut inassuteqarnissaminut pisinnaatitaaffeqlarluni, kisiannili § 7, imm. 1-imut akerliusumik arnanik angutinilluunniit marlunnik inassuteqaruni atuakkiortut peqatigiiffiata inassuteqaataanik sanioqqutsinissaq Naalakkersuisunit toqqaarneqarsinnaavoq. Inassutigineqartunut taarsiullugu Naalakkersuisunit toqqaarneqartoq inassutigineqartut allat assigalugit atuakkiortut peqatigiiffiata soqutigisaanut sinniisuusinnaassaaq imaluunniit pineqartumut tunngasunut paasisimasqaartuulluni. Taamaalillutik atuuffissamut pineqartumut nipilersortartumik imaluunniit qalipaannermik eqqumiitsuliortumik Naalakkersuisut toqqaasinnaanngillat.

Nr. 7-imut

Allannguutissatut siunnersuutikkut inuit § 2-p imaluunniit §§ 9-12-ip unioqqutinneqarnerisigut pisinnaatitaaffiigaasimasut taarsiivigineqarsinnaapput.

Siunnersuutigineqaqqaartuq malillugu inuit § 12-ip unioqqutinneratigut pisinnaatitaaffiigaasimasut aamma taarsiivigineqarsinnaapput.

§ 12-imi aalajangersarneqarpoq atorfinittussamik imaluunniit inuusutissarsiummik ilinniartussamik il.il. arnat angutilluunniit sulisoriumaneqarneruneri inuttassarsiuussinermi oqaatigineqassanngitsut. Inuit tamatumunnga unioqqutitsinikkut pisinnaatitaaffiigaasut aalajangersimasut killilernissaat

ajornakusoorpoq. Taamaatumiguna § 12-imut innersuussinerup peerneqarnissaa toqqarneqartoq.

Nr. 8-mut

Allannguutissatut siunnersuut siunnersuutip ilusaanik iluarsinerinnaavoq.